

MEASSU DAHJE EAHKEDAŠIPMILBÁLVALUS

Meassu dahje eahkedašipmilbálvalus lea searvegoddeeallima guovddážis. Sotnabeaivvi, Hearrá beaivvi, ipmilbálvalussan dat lea vahkkosaš beassášávvu-deapmi. Meassu doaimmaheamis leat molssaeavttut. Ná sáhtta vuhtiiváldit girkojagi áiggi ja báikkálaš vieruid ja bargonávccaid.

Meassu váibmosis lea lpmila sátni ja das sárdnideapmi sihke eahkedaččaid sakrameanta. Searvegotti rohkadus, dovddastus ja máidnun laktasit čavga daidda. Golbmaoktalaš lpmil ja su buorit dagut sihke oppa beastinhistorjá leat mielde meassus ja deavidit olbmo su eallindilis.

Meassu lea vejolaš doallat maiddá eahketipmilbálvalussan, vahku áigge ja erenoamáš dilálašvuodain. Meassui ráhkkaneamis ja dan doallamis čuvvojuvvojit dat vuodđomearrádušat, mat leat čilgejuvvon lpmilbálvalusgirjji ovdaságas.

Meassu sáhtta álggahit maiddá nu, ahte oktasaš rihpat (čuokkis 4) biddjojuvvojit álggahusoasi ovddabeallái.

Searvegotte olbmuide várrejuvvo vejolašvuhta persovnnalaš sieludikšumii ja rihpaide ovdal meassu dahje dan maŋŋá.

Searvegotte olbmot ja dat, guđet veahkehit ipmilbálvalusas, ráhkkanit dasa rohkadallamiin (sáhkát-rohkosat s. 39).

Go sátnepmilbálvalus dollojuvvo meassoortnega mielde, guđđojuvvo eahkedašoassi eret. Dalle kolleakta čoggojuvvo sálmma (čuokkis 16) áigge ja Áhččámet-rohkos lohkkajuvvo oktasaš ovddasrohkosa ámena maŋŋá.

I ÁLGGAHUS

1. ÁLGGAHANSÁLBMA

Sálmma sajis lea vejolaš geavahit biibbalsálmma, goarralávлага dahje čuojanasmusiikka.

Musiikka áigge sáhtá leat ruossasáhtašepmi; dalle searvegoddi čuožžu.

2. ÁLGOSIVDNIDEAPMI

Buessivdnádusa ja vuorrodearvvahusa lea vejolaš lávlut dahje lohkat.

BURESSIVDNÁDUS

Nuohttaráidu 1



L Áh - či ja † Bárt - ni ja Bas-si Vuoiŋ-ŋa nam - mii.



S Á - men, á - men, á - men.

VUORRODEARVVAHUS

Nuohttaráidu 1



L Hear - rá leh - kos din - guin.




S Nu son leh - kos maid-dái du vuoiŋ - ŋain.

DAHJE

BURESSIVDNÁDUS

Nuohttaráidu 2




L Áh - či ja † Bárt - ni ja Bas - si Vuoiŋ - ŋa nam - mii.



S Á - men, á - men, á - men.

VUORRODEARVVAHUS

Nuohttaráidu 2



L Hear - rá leh - kos din - guin.



S Nu son leh - kos maid - dái du vuoiŋ - ŋain.

3. ÁLGGAHANSÁNIT

Álggahansániid lea vejolaš ráhkadit ieš. Dain muitaluvvo beaivvi ja dan ipmilbálvalusa erenoamáš luondu.

Juos álggahansániid maŋŋá čuvvot oktasaš rihpat, sánit jodihit suddovddastussii.

Ovdamearkkat álggahansátnin s. 45.

4. OKTASAŠ RIHPAT

Oktasaš rihpaid lea vejolaš sirdit sártni (čuokkis 15) maŋŋái.

SUTTUDOVDASTUS

Suttudovddastusa sáhtta lohkat ovttá jitnii. Dan áigge sáhtta luoitádit čippiid ala. Suttudovddastusa lea vejolaš boatkut searvegotti rohkodajaldagain dahje –lávlagiin, dahje dan gaskkas sáhtta leat jaskes boddu. Suttudovddastusas sáhtta leat maiddá jaskes rohkos, masa lea vejolaš ávžžuhit ovdamearkka dihte: Gula maiddá mu/min jaskes ándagassiiátnuma.

Suttudovddastussan lea vejolaš geavahit maiddá sálmma (g. s. 62).

Suttudovddastusat s. 55.

SUTTUBEASTIN

Suttubeastima ámena sáhtta lávlut dahje lohkat.

Suttubeastimat s. 62.

– suttubeastin

S Ámen.

GIITTUSROHKOS

Giittusrohkosa sáhtta lohkat ovttá jitnii.

Giittusrohkosat s. 64.

– rohkos

S Ámen.

5. BEAIVVI BIIBBALSÁLBMA

Biibbalsálmma lea vejolaš lávlut dahje lohkat.

Juos álggahansálmma sajis (čuokkis 1) lea geavahuvvon biibbalsálbma, dat čuokkis báhcá eret.

6. HEARRÁ, ÁRPMIT (KYRIE)

MOLSSAEAKTU A

KYRIE–LITANIA

Kyrie–litania sáhtta lávlut dahje lohkat.

Kyrie–litaniat s. 66. Litania–nuohat s. 160.

MOLSSAEAKTU B

HEARRÁ, ÁRPMIT

S Hearrá, árpmi min.
Kristus, árpmi min.
Hearrá, árpmi min.

*7. GUDNI (GLORIA) JA GIITTUSSÁLBMA BASSI GOLBMAOKTAVUHTII

Gudni ja giittussálbma Bassi Golbmaoktavuhtii gahččá eret fástoáigge (gutnagaskavahku rájes) ja adveantaáigge (vuossárgga rájes 1. adveantasotnabeaivvi maŋná).

GUDNI

Nuohttaráidu 1



DAHJE

Nuohttaráidu 2



S eatnama alde ráfi olbmuide, geaid Ipmil árpmiha.

GIITTUSSÁLBMA

Giittussálbman sáhtá geavahit čuovvovaš Bassi Golbmaoktavuhtii oamastuvvon sálmmaid: 11: 2,3,5, 17: 4, 51, 71, 72, 136: 7, 236, 395, 396 ja 424.

8. BEAIVVI ROHKOS

Rohkosávžžhusa ja searvegotti ámena lea vejolaš lávlut dahje lohkat.

Ávžžhusa maŋŋá sáhttá leat oanehis jaskes rohkos.

Rohkos sáhttá leat oktasaš ovddasrohkosa loahpas, juos dat lea čuoggás 6 (Hearrá, árpmít).

Nuohttaráidu 1



L Roh - ka - dal - lot.

– rohkos



S Á - men, á - men.

DAHJE

Nuohttaráidu 2



L Roh - ka - dal - lot.

– rohkos



S Á - men, á - men.

II SÁTNI

9. VUOSTTAS ČÁLABIHTTÁ

Deakstalohkki almmuha čálabihtá. Searvegoddi guldala čohkut.

Čálabihtá dahje dan oasi lea vejolaš lávlut.

Vástádussániid lea vejolaš lohkat dahje lávlut. Nuohtat s 166.

– čálabihtta

[O Dát lea Ipmila sátni.
S Ipmilii giittus.]

10. VÁSTÁDUS

Vástádussan sáhtta leat biibbalsálbma, sálbma, lávlla, čuojanasmusihkka dahje jaskes mediteren.

11. NUBBI ČÁLABIHTTÁ

Deakstalohkki almmuha čálabihtta. Searvegoddi guldala čohkut.

Čálabihtta dahje dan oasi lea vejolaš lávlut.

Vástádussániid sáhtta lohkat dahje lávlut.

– čálabihtta

[O Dát lea Ipmila sátni.
S Ipmilii giittus.]

12. BEAIVVI SÁLBMA DAHJE GRADUÁLA (GRADUALE)

* 13. EVANGELIUM

Evangelium almmuhuvvo ovdamearkka dihte ná: Čuožžilehket guldalit bassi evangeliuma.

Ovdal evangeliuma ja/dahje dan maŋŋá lea vejolaš lávlut halleluja. Halleluja–lávlagii, mii lea evangeliuma ovddabealde, sáhtta laktit hallelujagurgadasa. (gč. Evangeliumgirjji). Hallelujalávлага nuohat s. 167.

Halleluja gahččá eret fástoáigge (gutnagaskavahku rájes). Dalle hallelujalávлага sajis lea vejolaš geavahit sálbmadajaldaga (gč. Evangeliumgirjji).

Evangeliuma dahje dan oasi lea vejolaš lávlut.

Vástádussániid lea vejolaš lohkat dahje lávlut. Nuohat s. 166.

– evangelium

[L Dát lea bassi evangelium.
S Rámáduš dutnje, Kristus.]

14. SÁLBMA

Sálmma sajis sáhttá leat maiddái eará musihkka.

15. SÁRDNI

Sárdni dollojuvvo dan jahkegearddi evangeliumdeavsttas, mii lea vuorus dahje vuosttas dahje nuppi čálabihtás.

Juos sárdni maŋŋá leat oktasaš rihpat (čuokkis 4), lohkkjuvvo oskkudovddastus suttubeastima maŋŋá. Ovdal oktasaš rihpaid sáhttá leat sálbma dahje eará musihkka, mii veahkeha ráhkkanit rihpaide.

16. OSKKUDOVDASTUS (CREDO)

Oskkudovddastus lohkkjuvvo ovttá jitnii.

Oskkudovddastussan lea vejolaš geavahit maiddái sálmma 12, 13 dahje 401:1–3. Dalle sálbma (čuokkis 17) báhcá eret.

APOSTOVLLALAŠ OSKKUDOVDASTUS

S Mun oskkun Ipmilii, Áhččái, Buotveagalažžii,
almmi ja eatnama Sivdnideaddjái,

ja Jesusii Kristusii,
Ipmila áidnorigádan Bárdnái, min Hearnái,
guhte sahkanii Bassi Vuoiŋŋas,
riegádii nieida Márjjás,
gillái Pontius Pilatusa áigge,
russiinávlejuvvui, jámii ja hávdáduvvui,
manai vuolás jábmiid riikii,
bajásčuožžilii jábmiid luhtte goalmmát beaivve,
manai bajás albmái,
čohkká Ipmila, buotveagalaš Áhči, olgeš gieda bealde,
ja bohtá fas doppe dubmet calliid ja jábmiid,

ja Bassi Vuigŋii,
bassi, oktasaš girku,
bassi olbmuid searvivuoda,
suttuid ándagassii addojumi,
oačči bajásčuožžileami
ja agálaš callima.

DAHJE

NIKEA OSKKUDOVDASTUS

S Mii oskut ovtta Ipmilii,
buotveagalaš Áhččái,
almmi ja eatnama, buot oinnolačča ja oaidnemeahttuma
Sivdnideaddjái.

Mii oskut ovtta Hearrái, Jesusii Kristusii,
Ipmila áidna Bárdnái,
guhte lea riegádan Áhčis ovdal áiggiid álgu,
Ipmil Ipmilis,
Čuovggas Čuovgasis,
duohta Ipmil duohta Ipmilis,
riegádan, ii sivdniduvvon,
geas lea seamma luondu go Áhčis,
ja gean bokte buot lea šaddan,
guhte min olbmuid ja min bestojumi dihte
njejjai vuolás almmiin,
šattai oažžin Bassi Vuoiŋgas ja nieida Márjjás
ja šattai olmmožin,
russiinávlejuvvui min ovddas Pontius Pilatusa áigge,
gillái jápmima ja hávdáduvvui,
bajásčuožžilii jápmimis goalmmát beaivve, nugo lei čállojuvvon,
lávkkii bajás almmiide,
čohkká Áhči olgeš bealde
ja boahtá šearratvuodas ruoktot dubmet ealliid ja jábmiid,
ja gean riikkas ii leat loahppa.
Mii oskut Bassi Vuigŋii,
Hearrái ja callindahkkái,
guhte vuolga Áhčis ja Bártnis
ja guhte ovttas Áhčiin ja Bártniin rohkadalloyuvvo ja
gudnejahttojuvvo
ja guhte lea sárdnon profehtaid bokte.
Mii oskut ovtta, bassi, oktasaš ja apoastallaš girku.
Mii dovddastit ovtta gástta sudduid ándagassiiaddojupmin,
vuordit jábmiid bajásčuožžileami
ja boahtti máilmmi callima.

17. SÁLBMA

Sálmma sajis sáhtá leat maiddái eará musihkka.

18. OKTASAŠ OVDDASROHKOS

Oktasaš ovddasrohkosa sáhtá sirdit čuoggá 6 (Hearrá, árpmit) oktavuhtii. Dalle dan osiid gaskii biddojuvvo Hearrá, árpmit –dajaldat.

Oktasaš ovddasrohkosa sáhtá ráhkadit ovttas searvegotte olbmuiguin. Ovddasrohkosa sisdoalus g. s. 87. Rohkosa lea vejolaš boatkut searvegotti rohkosdajaldagain dahje –lávlagiin, dahje dan gaskkas sáhtá leat jaskes boddu.

Oktasaš ovddasrohkosat s. 68 ja ovddasrohkosfáttát s. 87. Fástoáigge (gutnagaskavahku rájes) lea vejolaš geavahit litanía (omd. sálbma 34) dahje Trishagion-rohkosa (s. 83).

Rohkosávžžuhusa ja searvegotti ámena sáhtá lávlut dahje lohkat.

Ovddasrohkosa oktavuodas dahje dan ovdal almmuhuvvojit gásttašuvvon, gulahuvvon dahje náitalan ja jápmán olbmot. Almmuhusaid oktavuodas sáhtá leat musihkka ja/dahje symbolalaš doaimmat (omd. gintaliid cahkkeheapmi). Almmuhusaide gullelaš rohkosat s. 87.

Nuohttaráidu 1



O Roh - ka - dal - lot.

– rohkos



S Á - men, á - men.

DAHJE

Nuohttaráidu 2



O Roh - ka - dal - lot.

– rohkos



S Á - men, á - men.

III EAHKEDAČČAT


19. OAFFARSÁLBMA DAHJE OFFERTORIO (OFFERTORIUM)

Sálmma áigge čoggojuvvo kolleakta ja eahkedaččat lágiduvvojit áltárbeavdá. Ovdalaš sálmma almmuhuvvo, masa kolleakta čoggojuvvo. Sálmma sajis sáhtta leat goarralávlun dahje čuojanasmusiikka. Kolleavtta lea vejolaš buressivdnidit (gč. s. 91).

20. EAHKEDAŠROHKOS (EUKARISTALAŠ ROHKOS)

VUORROLÁVLLA

Nuohttaráidu 1



L Hear - rá leh - kos din - guin.



S Nu son leh - kos maid - dáí du vuoij - ñain.



L Ba - ji - deh-ket váim - mui - deat - tet.



S Ba - ji - dit dan Hear - rá guv - lui.



L Gii - ta - leh - kot Hear - rá, Ip - mi - lea - met.



S Nu lea duo - daid - ge vuoi - gat ja doh - ká - laš.

DAHJE


Nuohttaráidu 2



L Hear - rá leh - kos din - guin.




S Nu son leh - kos maid - dáí du vuoiŋ - ŋain.



L Ba - ji - deh - ket váim - mui - deat - tet.



S Ba - ji - dit dan Hear - rá guv - lui.



L Gii - ta - leh - kot Hear - rá, Ip - mi - lea - met.



S Nu lea duo - daid - ge doh - ká - laš ja vuoi - gat.

PREFAŠUVDNA

Prefašuvnna lea vejolaš lávlut dahje lohkat.

PREFAŠUVNNA ÁLGU

L Duodaid lea riehta ja árvvolaš,
ahte mii giitit du álo ja juohke sajis,
bassi Hearrá, buotveagalaš Áhčči, agálaš Ipmil,
Jesusa Kristusa, min Hearrá bokte.

PREFAŠUVNNA LOAHPPA (DÁBÁLAŠ)

Girkojagi áigemuttuid mielde molsašuddi pefašuvnnaid loahpat s. 92.

Son lea gillán jápmima min ovddas
ja bajásčuožžilemiinis rahpan midjiide geainnu agálaš eallimii.
Mii giitit du dán almmálaš attáldagas
ja lávlut dutnje rámaidusa engeliiguin ja buot basiiguin:

DAHJE

Su don leat addán jápmimii ja baktán su jápmimis,
vai mii bestojuvvošeimmet suttu ja jápmima válldis
ja oččošeimmet agálaš eallima.
Mii giitit du dán almmálaš attáldagas
ja lávlut dutnje rámaidusa engeliiguin ja buot basiiguin:

*BASSI (SANCTUS)

Searvegoddi sáhtta čuožžut Bassi–hymna rájes Ipmila Láppis –hymna rádjai.

S Bassi, bassi, bassi Hearrá Sebaot!
Albmi ja eana dievva lea du šearratvuodainat.
Hosianna allagasas!
Sivdniduvvon lehkos son, guhte boahtá Hearrá nammi.
Hosianna allagasas!

ROHKOS JA ÁSAHANSÁNIT

Bassi Áhčči. Oppa luondduriika máidnu du, buot eallima addi. Don it hilgon sivdnádusaidat suttu ja jápmima válldi vuollái, muhto sáddejit du áidna Bártni olmmožin, vai son beasttášii min. Mii giitit du dan lonástusas, man don leat válmmaštan midjiide su dievaslaš oaffariin ruossa alde. Son mávssii min vealggi ja dagai ráfi duinna ja minguin.

**Herrámet Jesus Kristus, dan ija go son behttojuvvui,
válddii láibbi, buressivdnidii (+) ja doadjalii dan,
attii máhttájeaddjiidasas ja celkkii:
Váldet ja borret. Dát lea mu rumaš,
mii addojuvvo din ovddas.
Dahket dan mu muitun.**

**Nu son válddii maiddái geara, giittii (+) ja celkkii:
Juhket dás buohkat.
Dát gearra lea odda lihttu mu varas,
mii golggahuvvo din ovddas
suttuid ándagassii addojupmin.
Nu dávjá go dii das juhkabehtet,
dahket dan mu muitun.**

Mii ávvudit buot das, maid Bárdnát lea min ovddas dahkan, ja doallat dáid bassi mállásiid, main mii beassat oasálažžan lonástusa čiegusvuodas. Mii muittašit su jápmima, bajásčuožžileami ja albmáimannama. Mii vuordit su máhccama šearratvuodas.

[**S** Mii gulahit su jápmima.
Mii duodaštit su bajásčuožžileami.
Mii vuorddašit su boahtima iežas gudniin.]

Sádde du Bassi Vuoiŋŋa buressivdnidit min, vai válddášeimmet oskkus vuostá du Bártni rupmaša ja vara. Ovttastahte min sutnje ja nuppiidasamet. Veahket min oaffaruššat iežamet calli oaffarin Kristusis, dutnje giittusin ja gudnin.

Su bokte, suinna ja sus
gullá dutnje, buotveagalaš Áhčči
Bassi Vuoiŋŋa oktavuodas
gudni ja šearratvuohtha álo ja agálaččat.

S Ámen.

DAHJE

Mii máidnut du, Ipmil, bassivuoda ája. Du árbmu lea nohkameahttun ja du riika agálaš. Don leat addán eallima oppa luondduriikii. Almmi ja eatnama dievva lea du šearratvuolta. Don sivdnidit olbmo iežat govvan. Buressivdnádusa, man addet Abrahamii, don lohpidit buot álbmogiidda. Don jodihit du välljejuvvon álbmoga šlávuvuodas friddjavuhtii. Profetaid bokte don addet odđa lihtu lohpadusa, ja go áigi lei dievvan, don vuolggahit du Bártni. Son gulahii du riikka ja lei dutnje gulolaš buot láhkai gitta jápmima rádjai.

**Herrámet Jesus Kristus, dan ija go son behttojuvvui,
válddii láibbi, buressivdnidii (+) ja doadjalii dan,
attii máhttájeaddjiidasas ja celkkii:
Váldet ja borret. Dát lea mu rumaš,
mii addojuvvo din ovddas.
Dahket dan mu muitun.**

**Nu son válddii maiddái geara, giittii (+) ja celkkii:
Juhket dás buohkat.
Dát gearra lea odđa lihttu mu varas,
mii golggahuvvo din ovddas
suttuid ándagassii addojupmin.
Nu dávjá go dii das juhkabehtet,
dahket dan mu muitun.**

Ládis Áhčči, mii muittašit min Herrá Jesusa, guhte oaffaruššojuvvui min ovddas. Mii oskut, ahte son lea bajásčuožžilan jápmimis ja boahdá oktii šearratvuodastis. Mii luohhtit sutnje ja vuordit, ahte beasašeimmet almmi stuorra ávvudeapmái.

[**S** Mii gulahit su jápmima.
Mii duodaštit su bajásčuožžileami.
Mii vuorddašit su boahtima iežas gudniin.]

Vuolggat du Bassi Vuoiŋŋa, vai mii válddášeimmet oskkus vuostá Kristusa rupmaša ja vara. Veahket du álbmoga gohcit, rohkadallat ja bissut oskkus ja ráhkisvuodas, dassážiigo Jesus Kristus, min stuorra ovddasrohkadalli, boahdá gudnistis.

Su bokte, suinna ja sus
gullá dutnje, buotveagalaš Áhčči
Bassi Vuoiŋŋa oktavuodas
gudni ja šearratvuohta álo ja agálaččat

S Ámen.

DAHJE

Herrá, min Ipmil. Don leat buotveagalaš ja bassi.

Don addet eallima buot sivdnádusaide
ja sivdnidit olbmo iežat govvan.

Don it guoddán min suttu ja jápmima válldi vuollái
muhto lohpidit profehtaid bokte bestojumi beaivvi.

Go áigi dievai, don sáddejít Bártná.

Son riegiidii olmmožin ja lonistii min ruossamuoras.

Su bokte don dahket ráfi minguin.

Mii rohkadallat du:

Vuolggat du Bassi Vuoiŋŋa ja buressivdnit dáid attáldagaid,
láibbi ja viinni,

maid bokte mii šaddat oasálašžan Kristusa rupmašis ja varas,
go doallat bassi eahkedaččaid nugo son ieš lea min gohččon.

**Herrámet Jesus Kristus, dan ija go son behttojuvvui,
válldii láibbi, buressivdnidii (+) ja doadjalii dan,
attii máhttájeaddjiidasas ja celkkii:**

**Váldet ja borret. Dát lea mu rumaš,
mii addojuvvo din ovddas. Dahket dan mu muitun.**

**Nu son válldii maddái geara, giittii (+) ja celkkii:
Juhket dás buohkat.**

**Dát gearra lea odđa lihttu mu varas,
mii golggahuvvo din ovddas
suttuid ándagassii addojupmin.**

**Nu dávjá go dii das juhkabehtet,
dahket dan mu muitun.**

Mii muittašit du Bártni beasti gillámuša,
jápmima, hearvás bajásčuožžileami ja albmáimannama.

Mii vuordit su máhccama šearratvuodas.

[**S** Mii gulahit su jápmima.
Mii duodaštit su bajásčuožžileami.
Mii vuorddašit su boahtima iežas gudniin.]

Atte midjiide du Bassi Vuoiŋŋa,
vai oskkus válddášeimmet vuostá eahkedaččaid attáldaga.
Daga min oktan rumašin Kristusis
ja láide min ráhkisvuoda daguide,
dutnje giittusin ja gudnin.

Su bokte, suinna ja sus
gullá dutnje, buotveagalaš Áhčči
Bassi Vuoiŋŋa oktavuodas
gudni ja šearratvuolta álo ja agálaččat.

S Ámen.

DAHJE

Almmálaš Áhčči, buot Sivdnideaddji,
mii muitit giitevažžan, maid don leat dahkan min ovddas:
Don sáddejit Bártnát beastit máilmmi.
Son šattai olmmožin, lei okta mis muhto sudduhaga.
Son devddii du dáhtu buot áššiin
ja miedai gillámuššii ja jápmimii
vai son lonistivččii min friddjan.

**Hearrámet Jesus Kristus, dan ija go son behttojuvvui,
válddii láibbi, buressivdnidii (+) ja doadjalii dan,
attii máhttájeaddjiidasas ja celkkii:
Váldet ja borret. Dát lea mu rumaš,
mii addojuvvo din ovddas. Dahket dan mu muitun.**

**Nu son válddii maddái geara, giittii (+) ja celkkii:
Juhket dás buohkat.
Dát gearra lea odda lihttu mu varas,
mii golggahuvvo din ovddas
suttuid ándagassii addojupmin.**

**Nu dávjá go dii das juhkabehtet,
dahket dan mu muitun.**

Árpmolaš Áhčči,
mii dáhttut deavdit dán gohččuma
ja doallat bassi eahkedaččaid Bártnát muitun
ja nu gulahit su jápmima dassáži, go son boahtá.

[**S** Mii gulahit su jápmima.
Mii duodaštit su bajásčuožžileami.
Mii vuorddašit su boahtima iežas gudniin.]

Mii rohkadallat du:
Sádde Bassi Vuoiŋŋat,
vai mii luohttit lohpadussii suttuid ándagassiiaddojumis
ja váldit oskkus vuostá Bártnát rupmaša ja vara min bestojupmin,
dassáži go oktii beassat deaivvadit sinna du riikkas.

Su bokte, sinna ja sus
gullá dutnje, buotveagalaš Áhčči
Bassi Vuoiŋŋa oktavuodas
gudni ja šearratvuohta álo ja agálaččat.

S Ámen.

21. ÁHČČÁMET (PATER NOSTER)

Herrá rohkos celkojuvvo ovtta jitnii.

S Áhččámet, don guhte leat almmis.
Basuhuvvos du namma.
Bohtos du riika.
Šaddos du dáhttu,
mo almmis nu maddái eatnama alde.
Atte midjiide odne min beaivválaš láibbi.
Ja atte midjiide min suttuid ándagassii,
nugo miige ándagassii addit velggolaččaidasamet.
Alege doalvvo min geahččalussii,

muhto beaste min bahás eret.

Dasgo du lea riika ja fápmu ja gudni agálašvuhtii. Ámen.

22. HEARRÁ RÁFI (PAX)

Vuorrolávlaga maŋná lea vejolaš ávžžuhit ráfi sávaldahkii. Searvegotte olbmot buorástahttet nuppiideaset ja celket ovdamearka dihte: Kristusa ráfi dahje Ipmila ráfi.

Nuohttaráidu 1




L Hear - rá rá - fi leh - kos din - guin.



S Nu son leh - kos maid - dái du vuoij - ŋain.

DAHJE

Nuohttaráidu 2



L Hear - rá rá - fi leh - kos din - guin.



S Nu son leh - kos maid - dái du vuoij - ŋain.

23. IPMILA LÁPPIS (AGNUS DEI)

Liturga sáhtta doadjit eahkedašláibbi Ipmila Láppis –hymna áigge.

S Ipmila Láppis don, guhte guottát máilmmi suttu,
árpmi min, árpmi.

Ipmila Láppis don, guhte guottát máilmmi suttu,
árpmi min, árpmi.

Ipmila Láppis don, guhte guottát máilmmi suttu,
atte midjiide ráfi.

24. EAHKEDAČČAID JUOHKIN

EAHKEDAŠBOVDEHUS

L Ávdugasat sii geat leat bovdejuvvon Lábbá headjamállásiidda.
Bohtet, buot lea juo válmmaštuvvon.

DAHJE

L Jesus cealká: »Bohtet mu lusa,
buohkat geat rahčabehtet ja guoddibehtet lossa nodiid,
de attán didjiide vuoiŋgadusa.»

DAHJE

L Bohtet, váldet vuostái Kristusa rupmaša.
Bohtet, juhket jápmemeahttunvuoda ádjagis.

EAHKEDAČČAT (COMMUNIO)

Eahkedaččaid juogadeami áigge sáhttá leat sálbmálavlun dahje eará musihkka.

Láibbi juogadettiin celkojuvvo:

[Min Herra Jesusa] Kristusa rumaš, du ovddas addojuvvon.

Rihppaguossi sáhttá vástidit: Ámen.

Viinni juogadettiin celkojuvvo:

[Min Herra Jesusa] Kristusa varra, du ovddas golggahuvvon.

Rihppaguossi sáhttá vástidit: Ámen.

LOAHPAHANSÁNIT

Loahpahansániid manná eahkedašlihtit gokčojuvvojit [ja sirdojuvvojit veahkke-beavddi ala]. Ovdal giittusrohkosa (čuokkis 25) sáhttá leat jaskes boddu.

L Mii leat vuostáiváldán Herra Jesusa Kristusa.
Várjalehkos son min agálaš callimii.

S Ámen.

DAHJE

L Min Hearrá Jesusa Kristusa rumaš ja varra
vurkejhkos oppa min vuoiŋŋa, sielu ja rupmaša
agálaš eallimii.

S Ámen.

25. GIITTUSROHKOS

Rohkosávžžuhusa, rohkosa ja searvegotti ámena lea vejolaš lávlut dahje lohkat.

Giittusrohkosin lea vejolaš geavahit maiddái sálmma (omd. 61:1, 62, 63, 65:1–2 ja 409:6–7).

Giittusrohkosat s. 97.

Nuohttaráidu 1



L Roh - ka - dal - lot.


– rohkos



S Á - men, á - men.

DAHJE

Nuohttaráidu 2



L Roh - ka - dal - lot.

– rohkos



S Á - men, á - men.

IV LOAHPAHEAPMI

26. MÁIDNUN

Juos giittusrohkosin (čuokkis 25) lea lávlojuvvon sálbma, báhcá máidnun eret.

Máidnumin lea vejolaš geavahit maddái sálmma (omd. 77: 4, 118: 1–2, 306, 424: 3–4 ja 467: 7–10).

Máidnun guđđojuvvo eret skilleduorastaga eahketipmilbálvalusa rájes gitta beassášija ipmilbálvalusa rádjai.

BENEDICAMUS


Nuohttaráidu 1



O Gii - ta - leh - kot Hear - rá!

DAHJE

Nuohttaráidu 2



O Gii - ta - leh - kot Hear - rá!

***S** Ipmilii giittus. Halleluja!

Fástoáigge (gutnagaskavahku rájes):

***S** Ipmilii giittus. Ámen.

* 27. BURESSIVDNÁDUS

L Hearrá buressivdnidivččii din ja várjalivččii din.
Hearrá čuvgešii muođuidis didjiide
ja livččii didjiide árbmugas.
Hearrá jorgalivččii muođuidis din beallái
ja attášii didjiide ráfi.

Áhči ja + Bártni ja Bassi Vuoiŋŋa nammi.

S Ámen.

VUOLGGAHEAPMI

Ávžžuhus celkojuvvo aiddo ovdal vuolgima

L/O Mannet ráfis ja bálvolehket Hearrá iluin.

28. LOAHPAHANMUSIHKKA

Loahpahanmusihkkan sáhtá leat sálbma, goarralávlla dahje čuojanasmusihkka.

Musihka áigge sáhtá leat ruossasáhtašeapmi, masa searvegoddi searvá.